

Gvangjsih Minzczu Bau

广西民族报 ganhhau: CN45-0036 B.2020 Nd.8 Ng.19 liggaeuq gengcej nienz ndwencaet coit

Baihguenjbanh: Gvangjsih
Bouxcuengh Swcigih Minz-
cu Cunghgyau Swvu Veij-
yenzvei
Biengauj okbanj: Gvangjsih
Minzczu Bause
Geizsoq: Gungh daih 3437 geiz
Geiz neix 8 banj

Yinznanz Vwnzsan: 300 Lai Vunz Doxcomz Hag Sawcuengh

8 nyied 8 hauh daengz 9 hauh, aenban Yinznanz Vwnzsan sonlien Sawcuengh bi 2020 geiz daih'it youq Yinznanz Swngj Vwnzsan Yozyen gawjbanh, aen ban neix youz Yinznanz Swngj Vwnzsan Bouxcuengh Myauzczu Swcicouh Cuenghhag Hwngfat Yenzgiuvei guhgyaeu banh. Miz 300 bak boux doxcomz daeu

ndaw ban neix hag Sawcuengh—gyoengqde dwg beixnuengx Bouxcuengh, daj ndaw aen yozvei neix, ndaw cou neix, cou si wng ndaw Yinznanz Swngj caeuq Guengjsae daengj dieg daeu; neix dwg baez sonlien Sawcuengh vunz doxcomz daeu hag Sawcuengh ceiq lai ndeu.

Baez sonlien neix guh song

ngoenz, gangj gij cihsiz giekdaej Vahcuengh Vahdung caeuq gij singmeh, yinhmeh, singdiuh Vahcuengh daengj. Boux lauxsae hwnjdangz haeujlaeg gangj youh hawj vunz ngaih rox Sawcuengh caeuq son baenzlawz hag Sawcuengh, neix hawj bauxhag lai maij hag Sawcuengh, lai rox ciepcienz vwnzva

maenhndei Bouxcuengh dwg hong-saeh youqgaenj. Gyoengq bauxhag ndaw ban neix bauxboux cungj yawj baez sonlien neix dijcienz lailai, laemxsim daj seizneix dauqlaeng haenqrenz dawzhwj diuzrap ciepcienz vwnzva maenhndei Bouxcuengh.

(Luz Swngnyungz Luz Hinghbinh)



Sanhgyangh: Gyoengq Lwngyez Giz Senj Dieg Comzyouq Banggungz De Angq Gvaq Sujgyaj

8 nyied 14 hauh, Sanhgyangh Duncuz Swciyen Gujyiz Cin Nanzcan Segih Gyanghconh Siuzyoz (aen hagdangz giz senj dieg comzyouq banggungz ndeu) banh baez hozdung langhbaej gij hongbaenz bansonlien—aenban maij hag duenh sujgyaj. Bi neix sujgyaj ngamq heij, aen hagdangz neix nda 12 yiengh goqdangz gyaemaij—baudaengz Golaux Duncuz, aenvenz, cuzgiuz, lanzgiuz, siuqnyieb Duncuz, diuqfoux, veh Duncuz daengj hawj gyoengq nyez ndaw segih neix hag, hawj gyoengqde angq gvaq sujgyaj youh hag ndaej lai.

(Vuz Lenzinh)

Yungzsuij: Aeu Seiq Aen Banhfap Hung Henhoh Caeuq Hwngfat Aenmbanj Miz Gij Daegsaek Siujsaq Minzczu

Daj bi 2010 doxdaeu, Yungzsuij Myauzczu Swciyen aeu seiq aen banhfap hung netsaed guh ndei hong henhoh caeuq hwngfat aenmbanj miz gij daegsaek siujsaq minzczu. Aen banhfap daih'it dwg gya rengz guh gij sezihs giekdaej. Aen yienh neix ok rengz hung cang ndei yienghsienq aenmbanj, hawj aenmbanj minzczu ndei yawj youh youq ndaej soengsup. Aen banhfap daihngaih dwg gya rengz senhconz caeuq son'gyauq vunz lai. Comz vunz

guh 32 ciengz (baez) hozdung senhconz faplwd, diep 60 lai diuz byauhyij, fukvang, guh 110 gaih benjhwzbanj, benj baijok, yaenqfat 1000 lai faenh swliu, cekveh gvendaengz henhoh vwnzva minzczu hawj vunz gak mbanj. Aen banhfap daihsam dwg ciuq faplwd henhoh swngdhai vanzging. Aen banhfap daihseiq dwg baengh ngoenzciet minzczu dazyinx hekyouz. Lumj youq Beizsiu Myauzca, bibi cungj banh hozdung angqhoh ciet gwnmoq

“loeg nyied loeg”, yienj gij go foux ciuhgeq miz haenx hawj vunz lai yawj, moix bi dazyinx 8000 lai vunz daeu yawj. Suenq daengz bi neix 7 nyied, aen yienh neix miz 18 aen mbanj ndaej Guekgya Minzveij anmingz guh “Cungguek aenmbanj miz gij daegsaek siujsaq minzczu”, miz 2 aen mbanj ndaej Swcigih Minzcunghveij anmingz guh Guengjsae daih'it buek “aenmbanj miz gij daegsaek siujsaq minzczu”.

(Cinz Cunghdwz)

SIUSIK DINJ

● Suenq daengz 8 nyied 14 hauh, Lozcwngz Mulauzczu Swciyen gungh miz 7000 lai boux ganbu banggungz haeuj ranz bae lwnh vunz ranzungzhoj rox gij cwngcwz ndaej yiengsoud de, hawj gyoengqde baenz “boux-roxsoq”; gungh guh 100 lai ciengz hozdung comz vunz lai daeu lwnh cwngcwz, doxgyau, neix lwnh sojmiz ranzungzhoj ndaw yienh rox liuxcaez lo.

(Liu Gvanghfuz)

● 8 nyied 13 hauh, Lingz-yinz Yen youq ndaw yienh Hingzcwng Cunghsinh hai aenhoih bi 2020 gyangh bi hong cwngfaz.

(Yangz Caiswh)

● Daj bi' gvaq daengz seizneix, Bingzgei Gih haenqrenz youq Sahdenz Cin Swhdung Cunh cauhlaeb aen dieggoek minzczu “caezhoz”, roengz 90 fanh maenz hwnqguh 8 aen “ranzcang banggungz” siuqnyieb doenghyiengh Yauzczu, dajsan doenghyiengh faexcuk Yauzczu daengj, banh 20 lai geiz gak yiengh bansonlien mbouj aeu cien lumj son bauxhag siuqnyieb doenghyiengh Yauzczu, dajsan doenghyiengh faexcuk Yauzczu daengj, hawj 1500 boux miz hong guh, ndawde 650 boux dwg vunz ranzungzhoj.

(Lij Suivaz)

● Daj bi neix hainduj guh hong heuh vunz dang bing doxdaeu, Denzyangz Gih gak gaep dangiveij cwngfuj cungj yawjnaek yiengh hong neix. Gyoebseueng daengz seizneix, bineix aen gih neix miz 1200 boux vunzcoz nienzgeij hab dangbing de bauqmingz, gyawj 700 vunz youq yanghcin baez daih'it genjcaz ndang hab iugouz, ndaej bae ndaw gih cungjenjcan caiq genjcaz.

(Vangz Gozsun)